

荊州萬城隍志卷七

官守

志官守者知其人以攷其事也荊州江隄向係民脩歸縣丞督辦自乾隆戊申後責成郡丞縣令估計而令道府董其役限以保固十年督撫則分年巡守焉立法已爲嚴密道光十二年因郡丞縣令不能得力疏請改歸郡守攤徵土費亦由郡守督催同治初年又恐郡守不能勝任復令隨同本道估勘驗收可謂密益加密矣嗚乎天下有治人無治法事窮則變勢所必然後之視今亦猶今之視昔安

荊州萬城隍志

卷七 官守

一

知過此以往不更有變通哉故列叙有荆隄之責者標其姓名別其功過著於篇

目錄

題名

責成

獎叙

職處分

荊州萬城隍志卷七

官守上

題名

湖廣總督

荊州萬城隍志

卷七

荊州萬城隄志卷七

官守中

責成

四條

部議○查直隸等省濱臨江湖緊要隄工俱係大員經理今荊州萬城隄工濱臨大江城社民生均資保護如僅歸知縣縣丞

督辦實非慎重要工之道應如所奏將來歲脩隄工責成荆宜施道荊州府專管督辦查萬城大隄向係民脩此次蒙

皇上天恩特發帑金官為脩理堅實穩固嗣後歲脩自應仍歸民辦其工程在五百兩以上者因欲杜其包脩草率之弊是

荊州萬城隄志

卷七

官守

責成

一

以官為代辦每年秋汛後荊州水利同知會同江陵縣將應脩處所逐一勘明估計造冊送該府覆勘核實申賚該道復加核勘移咨藩司借項興脩取具道府切實印結移司報部核銷於次年攤徵歸款如在五百兩以下者仍令民間自為修理無庸借款仍令藩司於每年奏銷後親往查驗一次督撫於每年春汛以前輪往查驗一次如此層層查核則承脩督辦之員自不敢草率從事於荆郡隄工自可永資保障如有偷減浮鬆情弊即行查叅著賠○查本年七月內欽奉 諭旨荊州隄工嗣後着定限保固十年如在限內冲潰者即嚴行叅處以示懲儆

各條是抄仍各用○以別之

欽此欽遵在案嗣後歲脩荆郡漫工應如所奏一律保固十年
如有限內冲潰即將承脩之員分別查明叅處仍將補築夫工
等項銀兩照數着追還款○查荊州府同知既經管理隄工其
衙署自應移駐在大堤之上建設以資防守庶耳目易周呼應
較靈如所奏荊州府同知准其於中方城李家埠等處擇地移
駐脩建至荊州府同知原係部選之缺今將萬城大隄責成專
管奏請改爲調缺之處查定例外省各缺不得妄請更改如有
今昔情形不同必須酌改繁簡者應令各督撫分別缺之大小
如丞倅牧令之缺應請改繁即於丞倅牧令缺內改簡互換等

荊州萬城隄志

卷七

官守

責成

二

語是各省員缺如有今昔情形不同應請改繁者必須擇其事
務稍簡之缺改歸部選互相更易方與定例相符今既奏稱荆
州府同知將萬城大隄責成專管非部選人員所能勝任等語
是爲地方隄務起見應准其將荊州府同知員缺改爲調缺在
外揀選題調仍令該督等於通省丞倅牧令缺內擇其事務稍
簡者酌改一缺歸於部選以符定例其荊州府同知仍令擬定
字樣報部註冊○查荊州隄工保護郡城其段落遼濶里數綿
長自應分派管轄以專責成而資脩防應如所奏萬城隄道
遙湖起至玉路口止令江陵縣縣丞看管自玉路口起至黃家

場止令沙市巡檢看管自黃家場起至拖茄埠止令鶴穴巡檢看管遇有防汛等事隨時就近督夫照料辦理其歲脩估計工程給發夫工價值等項仍由該同知督令董事經手不得以佐雜微員妄行干預

畢制軍請撥水師營兼管隄防疏○竊照萬城隄上年猝被水淹仰蒙 皇上頒發帑金將漫決缺口估工補完通隄加高培厚又添建立石堤工並經大學士公阿會同臣酌定章程責成道府勘驗結報移駐水利同知復令知縣佐雜分汛看管於防護隄工之道已屬周備茲臣連日在工細加相度查萬城大

荊州萬城隄志

卷七

官守

責成

三

隄工段綿長而自得勝臺至魁星樓形勢臨江節節險要雖經設有堤長圩甲安置夫卡但係召募鄉愚充當不足倚恃臣愚擬照河工之例撥派標營弁兵協同防守以期倍資得力查有荊州水師營專管水操事務並護送銅鉛等差原設守備一員千總一員把總二員外委額外各一名戰守兵二百一十三名駐劄江陵縣箆箕窪即在萬城堤外適中之地臣查該營差使不繁又切近堤旁照應最爲近便況江水盛漲每年止夏秋二汛若於汎水長發之時飭令該守備帶領弁兵上堤駐守協同文員相機搶護平時往來堤頂稽查周防並自得勝臺起至

魁星樓止每二里添設卡房一間撥兵二名駐守與夫卡相間
聯絡晝則懸旗夜則張燈偶遇水勢異漲傳梆鳴鑼令兵夫各
卞齊心搶護至於防險之時一切操演准其輪流替換於營務
亦可無悞至萬城堤原係荆宜施道專管之工令該營既改爲
兼管堤工所有該營防上弁兵自守備以下應聽該道節制並
就近歸荆州府守營叅將兼轄以期呼應較靈其考拔一切仍
照舊章如此則營制無事更張而修防益極周密是否有當謹
恭摺具奏伏祈 皇上訓示施行 乾隆五十四年

陳方伯飭知水師營造冊報部札○案准荆宜施道布移據水

荆州萬城隄志

卷七

官守

責成

四

師營守備張兆興申稱遵查此案防汛兵丁係於乾隆五十四
年內奉督憲奏明萬城隄工告竣自得勝臺起至魁星樓止建
立卡房二十六間每間設兵二名又奉詳議楊林洲黑窰廠觀
音寺三處石磯各設兵一名共派撥兵丁五十五名每年自四
月起至八月底止駐守防汛歷年遵辦在案茲將駐隄防汛兵
丁名數及起止日期開造清冊呈請核轉等情本司覆查荆州
大隄令水師營備弁兼管每二里添設卡房一間撥兵二名駐
守防護夏秋汛漲聽荆宜施道節制歸荆州城守營叅將兼轄
等因於乾隆五十四年三月內奏奉 俞允並奉准部覆轉

飭遵照各在案茲據荊州水師營守備將五十四五六七等四年派撥兵丁名數並駐隄防汛起止月日分晰造冊申送本司覆加查核均屬相符相應將取到清冊具文詳請督部堂查閱咨送兵部並分咨_{工戶}二部等因奉批賚到清冊仰候咨送奉此合就札行仰該府官吏轉飭遵照毋違 乾隆五十七年

陳方伯止調承脩州縣札○查荊州萬城大隄上年奉公中堂阿會同督憲具奏善後事宜章程內議防守汎漲一條責成該管道府專管督辦每工設立卡房選充隄長四名圩甲四名常川住宿防守如遇汎漲該管道府率同水利各官往來梭巡督

荊州萬城隄志

卷七

官守 責成 五

飭隄圩人等多備守水器具協同業民晝夜防守如有水溝浪窩隨時脩補倘遇危險即督率搶脩子埝水例各官防護不力查明糾參嗣奉督憲以堤長多係鄉愚充當不足倚恃仿照河工之例派撥荊州水師營守備帶領弁兵協同文員稽查防守並添設卡房撥兵住宿相間聯絡齊力搶護等因具奏本年土石各工完竣後又奉督憲具奏此項工程發帑脩築全在地方官時刻實力經理倘漫不經心一任雨水沖汕必致有殘缺之虞應將土隄石壩責成該道府遵照奏案悉心料理等因是萬城隄工防守章程已屬周密工竣之後又奉公中堂會同督憲

履勘具奏一律堅固並無草率情事該管道府自應遵照督率水利各官水師營弁隄長圩甲妥協經理今荆宜施道議照黃河則例檄調承脩州縣赴工防汛並稱水溝浪窩甚多非堤圩兵夫力能辦理查萬城大堤遇有水溝浪窩原應隨時脩補若謂填墊不易必須承脩州縣赴工脩補防守則隄圩兵夫聯絡住宿隄卡竟屬虛設該管道府及水利廳營各官以分應督飭辦理之事諉之承脩各員不特與歷次奏案不符且各省水利隄防情形不同未便援引隣省辦法遽易本省奏定章程況州縣均有地方應辦事件一經檄調赴荆防守必須數月之久地

荊州萬城隄志

卷七

官守

責成

六

方公事必致廢弛雖承脩州縣有保固十年之限但十年之內各該員亦難保無升遷事故豈能因有十年保固限期檄調該員等赴隄防守反將奏准責成防汛之該管道府及水利同知等官置身事外設保固十年之後又將何員檄調防護所議殊有未協應請毋庸置議所有查議緣由合行札飭該府即便移飭營廳各員遵照辦理毋任泛視貽誤

乾隆五十四年

畢制軍請調河員疏略○查湖北現乏熟諳工程之員前於乾隆五十三年脩築荊州萬城大隄經大學士公阿桂奏調豫省河員來楚協辦始得合法藉以穩固今黃河秋汛安瀾河東汛

員熟諳工程者甚多自可酌調三員前來以便指導遵辦俾億萬田廬永資捍衛庶加仰慰 聖主懷保災黎恩加無己之至意嘉慶元年

按此奏調河員督工之案如本省乏員不得不借材異地也周太守請責成汎員稟○竊照荊州府屬濱臨大江地處低窪在在均資隄塍保障而隄塍之堅固又全賴歲脩如法及平日防護得宜庶無汎水之患查各屬隄塍向係水利佐雜監修自乾隆五十三年欽奉 諭旨改歸州縣經理不許佐雜干預以後各該員以為事無專責隨各互相推諉乾隆六十年德安

荊州萬城隄志

卷七 官守責成 七

府同知葉丞請循照舊制責成水利佐雜分別分任核計功過稟奉前憲批飭查議旋值軍興未及定議茲卑護道伏查州縣有審理命盜詞訟經徵錢糧事務殷繁已費經理而歲脩隄塍定例九月興工次年二月完竣近年多有遲至十一二等月勘估詳報次年正二月始行興工四月尚未完竣者推原其故蓋緣例歸民脩各圩業民人心存觀望於應脩隄段並不及早報勘迨州縣再三查催始據開報州縣俟各處開報齊全再行往勘詳辦以致輾轉稽遲及派土興脩州縣各有應辦事件既不能以督脩隄工扣展公出自難責令駐宿隄所親行監督遂致

業戶抗欠夫工不能迅速集事及並不殫奮草率完工其弊不可勝言且前脩之工未竣而汎水已至苟欲保無潰決其可得乎況各屬隄塍脩竣以後遇有雨淋殘缺及穉洞蟻穴如果隨時脩補防護得宜即可免一屆脩築之費但各隄有距城數十里及百餘里二三百里不等州縣鞭長莫及亦未便責令隨時往查是隄工歲脩以及平時防護斷非一人所能料理勢不得不藉資水利佐雜各員分管但各該員因有 諭旨不許干預俱各存心推諉若不嚴立章程明定功過無以示勸懲而別勤惰仍屬有名無實應請嗣後各屬隄塍責令水利佐雜各員

荊州萬城隄志

卷七

官守 責成

八

分段經管每年於白露後將分管隄塍何處坍塌裂應行脩築迅速查明開摺申報州縣立時勘派土方詳辦務照定例九月興工次年二月完竣遇有節候較遲年分開工總不得過十月至次年三月底一律完固報請本管道府查驗其每屆歲脩各該員各按分定地段駐宿隄所督脩州縣隨時稽查倘有干預夫工及假手家丁書役致滋弊端即行據實詳奏究辦如所脩之工驗有草率偷減即將隄圩人等於隄所枷號一個月從重責處發落其草率堤段著落州縣賠脩監脩之員即以廢弛奏革至道府驗收以後仍責令各該員不時稽查如有雨淋殘

缺隄洞蟻穴不及脩補一經汎水滲漏潰決每一次將各員記大過三次倘經三次不能實力經理歸入大計業內糾叅如所脩隄塍防護得宜一歲之內保固無虞記大功三次三載安瀾請於大計或俟俸滿予以保薦仍於每年年底由道府核記功過造冊通詳立案又水利佐雜各員既責令監脩隄塍遇有業戶抗欠夫工及隄圩人等脩不如法若必待移稟州縣比催押令另築不特各員毫無事權呼應不靈抑且往來曠遲誤工並請嗣後如有抗欠夫工及脩不如法許監脩各員隨時分別比催責押另做如有藉端索詐情事一併嚴叅究辦如此立定章

荊州萬城隄志

卷七

官守責成 九

程賞輕罰重分別功過通融辦理既與前奉 諭旨無悖而州縣以及水利佐雜各員責有攸歸歲脩隄工不致遲逾例限可冀永臻鞏固於保護民生似有裨益 嘉慶九年

按此稟奉上臺批駁與乾隆五十四年欽奉 諭旨有

悖未便准行德安同知葉世倬所請乃援照乾隆二十八年輔中丞奏定章程也然篇中議論周詳洞悉利弊所稱水利各員視非專責以致互相推諉尤屬實情存之以備采擇

△中丞奏委知府代防摺片○再楚北襟江帶河素稱澤國全

賴堤塍以資保障而荊州之萬城隄襄陽之老龍隄尤關緊要
近日疊获透雨江漢水勢日見加長臣親赴老龍隄逐加履勘
間有零星刷損之處已督飭趕修完固足資捍衛其萬城隄每
至夏秋二汛例應大員督防現在督臣吳 駐劄房縣督辦軍
務不及分身臣又須赴省審辦案件亦不能兼顧藩司孫玉庭
有承辦報銷事務荆宜施道陳蘭森現在軍營總理糧務寔無
可委之員惟查荊州府知府張方理在任年久熟悉江防情形
上年曾經督臣吳 奏委該員就近代防並無貽悞本年臣仍
飭委該府駐劄堤所督率地方文武各汛員加意防護以期駕

荊州萬城隄志

卷七

官守 責成 十

輕就熟於要工較為有益其餘各屬堤垸並即分飭地方水利
各員一體寔力防護俾臻穩固理合附片陳明謹奏嘉慶

按此督撫不及親臨奏委知府代防案也至今援為成例

盧制軍會奏萬城隄改歸知府承辦疏○竊照荊州府濱江有

楊中丞萬城堤一道為闔郡城垣田廬及下游一帶州縣保障官修工
段頻年動項修築俱極鞏固其民修堤工從前係知縣縣丞督
辦嗣於乾隆五十三年被水之後奏明改歸水利同知專管歷
屆歲修由該同知勘估通詳飭縣按糧派定土費造冊申送同
知衙門督率收繳興修近今十數年江底沙泥日漸淤高兼之

洲灘疊出江面窄狹一遇夏秋盛漲在在俱形危險雖經設法
搶護無虞而歲脩土費逐年加增必須派至一萬數千餘兩方
敷工用同知係府佐間曹催繳土費呼應不靈收繳未齊必須
由府籌款填辦而不肖之董事亦即乘間私收侵蝕任意拖欠
辦理殊為掣肘不可不亟加整頓當經臣等飭司妥議去後茲
據藩司行 臬司稟 查明萬城隄工程該同知催費督修不
能得力應請改歸荊州府承辦飭令先期親詣勘明應修工段
樽節估計實需土方確數造冊申費一面飭縣照例按糧派費
催繳府庫存貯由府慎選誠實諳練眾所推服之紳耆充當董

荊州萬城隄志

卷七

官守

責成

十一

事設局經理銀錢出入不許假手書役以免剋扣侵漁滋弊仍
令水利同知隨同督率催夫趕修等情詳請具奏前來臣伏查
萬城堤為荊州全郡保障最關緊要近年江底淤墊一經水勢
盛漲在在險要以致歲脩土方逐年加增該管水利同知向來
不司民事催繳既呼應不靈借款多虛懸積欠辦理實形掣肘
若再任其因循必致將來貽誤所關匪細相應奏懇 皇上
天恩俯准將前項歲修堤工改歸荊州府知府承辦以專責成
庶催收攤費可望迅速遴選董事紳耆務期得人並將向來積
弊認真剔除俾濱江要工永資鞏固洵於 國賦民生大有裨

益所有本年歲堤工期限已迫臣等已照現定章程飭令該府
勘估承辦該同知本有專管水利之責仍令隨同該府催雇人
夫往來稽查統於春汛以前一律趕修完竣倘敢草率延誤一
併從嚴叅辦以仰副 聖主慎重江防保護奠安之至意所
有荊州萬城堤工改歸知府勘辦緣由理合恭摺具奏伏乞

皇上聖鑒訓示謹 道光十二年

唐太守請委幹員接辦萬城隄工稟○案奉憲臺札開卑府所
管萬城大隄集費不少一經泛漲即紛紛漫潰其為脩防不力
已可概見本年水勢較大業經免其叅處現值水落歸槽急應

荊州萬城隄志

卷七

官守

責成

十二

舉辦歲脩飭即逐細確估造具土方夫礮銀數出具保固印結
通賚核辦毋稍浮冒遲誤致干嚴叅等因卑府接讀之下殊切
悚惶竊萬城大隄綿亘二百二十有餘里為北岸數郡州縣田
廬保障卑府前冬甫經蒞任即行周歷全隄查僅萬城一段隄
身較為寬厚外餘俱低窪殘缺節節皆險心竊慮之又思工大
費繁民力未逮務當搏節將向來虛糜規費概予裁革所派土
費去年較前仍減去十分之四今年更比去年減半不待徵收
到手先行設法籌墊冬開春收且復增修柴紀石工以致所派
不敷計兩年中或即上屆之盈餘湊次年之經費或以市店之

挪借濟急工之要需備極經營萬不敢仿痼習之點綴掩一時之耳目內慚衾影外誤生靈人言可證非紙上空談也本年夏汎荆江之水與沮漳河山水同時異漲為數十年所罕見迴流直刷汹涌怒號隄身或在水中隄頂或亦漫過安危之機決於頃刻卑府守駐要工督令汎委各員毋分晝夜梭巡保護捐數千之緡竭月餘之力幸能化險為平獲報安瀾若非兩載以來加高培厚築磯撐幫全隄一律工倍於前費歸於實諒亦同江陵南岸虎渡汎等處之口門決裂無數此而謂之紛紛潰漫其尚何說第石塊且多推去土性更難堅凝查官民各工經茲衝

激如阮家灣楊二月登南隄獐卜穴稀柳灣長樂隄岳家嘴下林腦方家淵等處本基雖存幫貼悉姓甚而龍二淵之石磯土箭全入江心以兩次歲脩約八百餘船之石料盡沉波底責以脩防不力應即頰首引咎所恨卑府智識粗淺設再遇奔騰之水患實乏茲抵禦之神通既不忍以人事天心作或然之想又未便以實銷實用存自韙之私與其悔於日後莫若慎諸工先蓋此官之叅處奚惜而斯民之飢溺堪憂也不揣冒昧敢懇大人體恤愚衷俯賜轉詳將萬城大堤官民各工遴委幹員接辦庶使荆南士庶鰲戴生成銜感無暨 咸豐十年

按此稟詞意激切近於負氣然爾時大亂初平土費徵不敷用當此大汎尚能竭力保衛化險為平固天心之仁愛亦人事之感召也存此以見實任人員於此類切己之政決無玩視之理或在事胥役浮冒虛糜勢不能免耳

唐太守委員駐防李家埠札○照得萬城大隄為全郡及下游各州縣田廬保障最關緊要茲值江水泛漲高出楊林洲石磯數寸來源甚旺所有李家埠工內需員駐宿防守合行札委札到該員立即束裝前赴該工駐宿防守並上下往來梭巡一面嚴督該隄圩人等多備守水器具遇有險要之處毋分雨夜押

荊州萬城隄志

卷七

官守

責成

十四

令搶護完固務保無虞如該隄圩人等稍有怠忽許隨地枷責該員亦不得稍涉懈玩致滋貽誤咸豐十一年五月

按此添委佐雜防汎之案果遇大汎一人耳目難周自宜委員助防然須察看水勢大小斟酌遴委能吏一二員幫同防護可期得力事後詳請獎叙以報之若視為例差周旋屬吏反致受累不可不慎

官制軍嚴中丞會委道員視工札○照得荆郡萬城大隄為下游田廬保障百億萬性命所託關係甚重而通隄險工又以郝穴為最要龍二淵次之本年夏間據荊州府周守稟報龍二淵

四號上段石岸崩陔數丈下節接連二段正當迴流頂衝旋成
月形時有坍塌老廟台鎮安寺冬隄亦多崩坍危險更甚而老
廟台江底極深現以繩繫石下探至五丈有餘尚無阻隔可見
尚未到底其崩寬五六丈者隄面亦僅存五六丈外止撐幫二
道再外則龍二淵矣由來深潭無能退挽更無計施工加之郝
穴地本多沙無從取土情形如此直不知如何設法等情當經
批令不惜重費設法搶築仍俟水落歸槽後相度形勢妥籌脩
復在案茲幸安瀾告慶水將歸槽應即乘時派委大員勘估籌
脩以禦來年汎漲而保無窮賦命令行札委札到該道立即遵

荊州萬城隄志

卷七

官守

責成

十五

照刻日馳赴荊州會同該道督同該府親赴萬城大隄先行巡
視一週確勘郝穴及龍二淵工段何處崩陔寬長各若干丈尺
或應撐幫或應退挽應於何處取土此外各堤段如何情形如
何加高培厚先行繪圖貼說費核一面確加估計實需工價若
干按照向章由該府派費興脩如費一時未齊該府應如何籌
集一切切實情形通稟核辦此係最要之工刻不容緩務趕春
前一律趕築堅固該道其會督該道府實心實力妥為勘辦毋
任官紳畏難苟安致貽明年大患是為至要 同治二年

按此兩院會委大員之案荆隄非有要工不另委道府前

以軍務倥偬經費支絀累年失脩以致疊出險工是年將事脩築亦如大災之後必遴派賢員督辦重欽工也委員候補道周溥因並誌之

官制軍嚴中丞飭道府上隄會勘札○照得本部堂院訪聞萬城全隄自咸豐年間軍務倥偬又頻年水勢平順未能專力歲脩民捐土費亦不肯踊躍完納道光二十四年潰口之後安瀾已二十年日久懈生不免視為恒泛若不嚴立章程亟加整頓誠恐日後脩築草率一遇盛漲設有疏虞所關非細查該隄原係荆州府專責荆宜施道亦有兼管責成向例要工每年秋後由

荆州萬城隄志

卷七

官守

責成

十六

府勘估興修本院現擬定章於每年霜清水落後該道府會同親身赴隄按工程之夷險核實估計歲修土費應實用若干照派徵收然後由府派人分段興築工竣之後該道親往勘驗如有與原估工程不符或偷減草率即飭該府再行加修如式如違揭叅不准稍徇情面果能一律堅實即由該道府層遞出結呈費備案此次奉文之後先將隄身原來高厚寬窄一面切實開摺稟明存案一面刊碑註明以後再將本年經脩姓名用過土方工費數目所脩工程高厚共加過土方若干尺寸分段立碑詳細刊載明晰並通報查考如脩不堅實以及剗土見新各

弊一經委員查出即著落該道府分成賠修如此則小民見土費實歸工用亦必踴躍輸將而隄身高益加高厚益加厚永無水患矣 同治二年

按此兩院札飭道府會同上隄之案

李制軍吳中丞會奏裁改荆州水師營員缺疏○竊照荆州水師營制兵燹以前額設守備千總各一員把總二員外委額外各一員兵二百十二名因萬城大隄緊要做照河工例撥兵建卡駐防因同治八年新設長江水師營汎經前兩江督臣曾國藩等奏請將該營員弁兵丁裁撤旋經前兩江督臣馬新貽等

荆州萬城隄志

卷七

官守

責成

十七

於續議長江水師分別改留裁汰各員弁案內奏經部議准留守備一員兵九十二名防護隄工歸宜昌鎮轄各在案竊維立法貴於因時循名必須責寔萬城大隄地段綿長工程緊要做為荆州全郡及下游保障每遇盛漲險工叠出節節需人防護倘搶救稍疎關係億萬身家性命僅一守備既慮其周歷難遍且稽查勤惰須歸附近上司統屬宜昌鎮相離過遠耳目不及查斯隄向由荆州道府督修利害切身則經營倍力弁官既有防護隄工之責即當歸其管轄似宜倣照浙江海塘營汎之例將防隄弁兵改歸荆州道管轄庶事權有所專屬而文武聯為一

體於隄務較有裨益臣等公同商酌擬將該營員缺酌量裁改以歸實際而免疎虞相應請

旨將荊州水師營守備裁去改設千總外委額外各一員分段專防萬城大隄改歸荊宜施道管轄毋庸再隸宜昌鎮標以專責任如蒙

俞允其一切營務章程再飭司道會議詳咨立案臣等為慎重隄防起見是否有當謹合詞恭摺具陳伏乞

皇上聖鑒勅部核覆施行謹奏

同治十三年

脩防委員章程稟竊查荊州萬城大隄官民兩工共計二百二十餘里節段綿長歲須補築自道光十二年經前

荊州萬城隄志

卷七

官守 責成 十八

督憲盧撫奏交卑府承脩每歲勘估土方籌費墊辦來年春

季按畝徵還任重事煩不得不借資羣力然通工委員幕友相來不過五六月其有汎官之處則委令幫辦歲脩告竣接助防汎免易生手別無委員脩防之案嗣因江水異漲險報頻聞臨時添委一二員幫同防守近年無論水汎大小該員屆期輒求委派視為例差轉不足以昭慎重查荊州一郡聽差人員現已四五十人一府例差止有此數而留荆聽差者率以堤工為名差少員多不能徧及相形見絀怨謗叢生若非明定章程勢必鑽營百計卑府擬請

接抄章程案
頂格用。隔之

於本道總委一員外隄工八局石卡一座每局揀委一員
常川駐劄再請熟悉工務之友佐之如本局工緩則彼此
互相照料防汛則各守各段無庸另委俾專責成俱不得
安居私寓况委員幕友之外尚有隄差隄長圩甲弁兵各
局不下五六十人果能實力巡防必不致稍有疏忽大汛
之期卑府隨同本道上堤庶收指臂之效每員限以一年
期滿安瀾後稟請記功獎勵查有偷減誤工等弊隨時撤
叅下屆改委時查明上兩屆委員姓名開單送核如實係
得力之員酌留一年至於支應土局等席乃經費所出尤

荊州萬城隄志

卷七

官守 責成 十九

為切要之事或委或幕應由卑府主持委員不得爭較緣
荆隄歲修以外無款可支每年臨隄夫馬在事人員薪水
束脩弁兵犒賞書役工食及一切防汛之具需費浩繁皆
出府署萬一偏災土費徵不足額正用已自不敷加以續
出險工捐資搶護卑府受累將不可言似此分別差委訂
以年限功過嚴明該員等知有定章自不至視隄工為例

差專求調劑也

同治十三年十一月
稟巡道立案

李制軍制軍酌議隄防營章程八條
仍項格

李制軍制軍酌議隄防營章程八條

- 一、弁兵分段巡防以專責成也查萬城大隄自上逍遙湖起至橫隄止官工共計二十五工連堆金坵得勝坵民工二段原設兵卡二十六間向由該營每卡撥兵二名防守擬請仍循舊章各卡共撥兵五十二名并楊林洲黑窑廠觀音寺三處
- 二、石磯撥兵三名查看水勢照常設防毋庸更張惟橫隄以下
- 三、民工向未撥兵駐防今該營既改歸隄防自應官民兩工一視同仁擬請在民工隄段內擇要添卡協防以昭周密查上潭子湖下潭子湖龍二淵上新塏下新塏五段多係迎溜頂

荊州萬城隄志

卷七

官守責成

十八

- 一、衝石工最為險要應即添建五卡共撥兵十名協同防護外
- 二、備划船四隻每船共住兵三名共撥兵十二名駐紮楊林磯
- 三、水次做隄則令運土無事則令巡邏以上各兵卡應分為兩哨以改設之外委一員為左哨哨官駐紮李家埠帶親兵四名巡防堆金坵起至下獨陽止十八段計兵卡十六間管轄兵丁三十六名以改設之額額外委一員為右哨哨官駐紮橫隄帶親兵四名巡防東嶽廟起至橫隄止九段計兵卡十間石磯三處并兼防上潭子湖等處五卡管轄兵丁三十七名又以改設之千總一員駐紮最要之中竿蓬帶親兵七名

并划船四隻梭巡兩哨通工其外委額外外委二員及所轄兵丁均歸千總約束至往來公牘及歲支俸餉冊籍需人繕辦即於親兵內改募書識兵丁一名繕辦文冊如不辦文冊之時仍同千總巡防

兵丁應募土夫承充以昭核實也查該營原額兵丁素習武事不諳隄工如不另募本地土夫仍於隄工無益擬請先將該營兵丁九十二名全行遣撤另募本地熟習隄務年力精壯土夫挑選成伍以收實效

夏秋二汛協力防護以昭慎重也查荊州江汛每於夏秋之

荊州萬城隄志

卷七

官守

責成

十九

間不時漲發必須駐工巡防以免疎虞請以每年四月初一日起由各弁預備守水器具分駐各卡無分雨夜往來巡防傳簽協同圩甲人等認真守護遇有險工即鳴鑼為號各卡兵丁齊集險處通力合作搶築完固如查有蟻穴獾洞雨溜溝槽即由該營兵丁隨時挖築補修如式不准推諉貽誤俟八月底江水退落再行撤防

春冬二季挑土種蘆以備防汎也查修築土牛以備防險隄外種蘆以資護衛二者皆隄工要務擬請每屆安瀾後於歲修土牛外責令各段兵丁每名於經管段內挑築土牛十座

每座約計實土五方仍於隄外十丈栽種楊筒蘆荻定限次年二月內一律完竣報明本管道檄委荊州府驗收務須如式辦理不得草率偷減

弁兵應准專管隄工知府調遣以利修防也查萬城大隄專歸荊州府承修責任甚重夏秋大汛之際遇有險工必須由府酌核輕重情形立時派兵協同搶護即修築土牛等項亦須隨時督催以免因循延誤擬請嗣後該營弁兵修防事宜應聽荊州府隨時調遣如有違誤即由知府稟請荆宜施道轉詳叅處庶幾呼應較靈

荊州萬城隄志

卷七

官守

責成

二十

一營名應改隄防以示區別也查該營前有操江之責故稱水師今既專防萬城大隄春冬挑土種蘆夏秋分段防護全與武事無涉擬請仿照河工海塘之例改名荊州隄防營歸總督統轄一切差操均請優免

一營弁應頒鈐記以昭信守也該弁等凡遇修防事務均須隨時文報自應分別刊頒鈐記俾有遵守擬請由藩司刊發千總木質鈐記曰湖北荊州隄防營千總之鈐記又外委額外外委木質鈐記二顆一曰荊州隄防營外委鈐記一曰荊州隄防營額外外委鈐記分給祇領

○弁兵俸餉請照綠營章程以符舊制也查該營俸餉一切向
○照綠營章程請領今裁去守備改設千總一員外委一員額
○外外委一員并原留戰兵三十六名守兵五十六名共九十
○二名擬請將守備一員俸廉等項全行裁汰仍照綠營舊例
○添支千總一員俸廉坐馬馬乾等項又添支外委額外外委
○各一員糧餉等項仍支戰兵糧餉三十六分守兵糧餉五十
○六分惟千總例無蔬菜燭炭心紅紙張銀兩今係改設隄防
○專營公事較繁應請比照守備例添支蔬菜燭炭心紅紙張
○等項銀兩又外委額外外委係由戰兵考拔向無馬匹今既

荊州萬城隄志

卷七

七

官守

責成

三十一

○專防隄工上下梭巡隄段甚長須用馬力往來較為便捷應
○請添給坐馬一匹馬乾一分此外應領公費仍照舊章請領
○以資辦公所有現議隄防營歲支俸餉等項銀兩數目與該
○營原支數目比較計少支銀六十三兩六錢零係屬有減無
○增應請照支

光緒元年

荊州萬城隄志卷七

官守下

獎敘

嘉慶元年安瀾奏獎案○ 中丞疏稱荊州萬城隄工為郡城沙市等處百萬民生休戚所繫向逢伏秋盛漲均應督撫大員親駐巡防本年入夏以來因值教匪滋事恐被賊黨盜窺欽奉上諭令臣就近督率委員實力防護當經派委幹員協同專汛員弁常川駐守並招集鄉勇雇備划船於堤身江面往來梭織巡邏嗣於五月中旬以後大雨連綿江水異常汎漲幾漫

荊州萬城隄志

卷七

官守 獎敘

一

隄頂當經督飭印委各員竭力搶護幸獲平安經臣節次奏蒙聖鑒在案目下節交白露江水漸已消落溜緩波平察看萬城隄身及沙市以上之楊林磯黑窑廠觀音寺等處石工屹立現俱一律穩固可保無虞洵足仰紆 宸慮再隄防委員

內有效力捐職布政使理問陶琛捐職布政使經歷沈思銑係督臣畢沅奏委在工防護之員常川駐隄晝夜巡防實屬不辭勞瘁且因隄近當陽該員等堵勦得力並搶獲賊目要犯多名兩次奏邀 恩旨議叙補用在案茲屆水落賊平要工穩固可否將該二員各照原銜留楚補用以示鼓勵之處出自

皇恩所有秋汎安瀾江隄鞏固各緣由理合繕摺附驛馳奏伏
祈 皇上睿鑒謹奏

按此隨摺請獎不於奏報安瀾附片也爾時防汎委員兼
有軍功僅得留省補用字樣足徵刻章之可貴

道光十三年脩防奏獎案○ 奏委辦萬城大隄歲脩郝
穴許仙觀等處石岸各工及防護搶險出力之員郝穴主簿尹
椿年請以應升之缺升用試用未入姚治平請以本班儘先補
用試用未入高元吉防護三次請予外獎

道光二十三年督工奏獎案○趙中丞片奏 臣查荊州臨江觀

荊州萬城隄志

卷七

官守 獎敘 二

音寺石磯迎溜頂衝為最要險工該委員湯景前於幫脩萬城
隄官民各工業內已先後詳記大功四次茲復隨同荊州府知
府程伊湄勸捐並駐工次晝夜督催不避嫌怨不辭勞瘁將該
石磯工程尅期脩竣洵係盡心出力之員合無仰懇 天恩

俯准將咨補黃岡縣縣丞湯景以應升之缺升用俾昭激勸

咸豐十一年三屆安瀾奏獎案○官制軍片奏署荆宜施道鹽
法武昌道栗耀自咸豐九年到任迄今三載督防荊州大隄遞
慶安瀾尚屬著有微勞可否請 旨交部從優議叙又補用

道荊州府知府唐際盛自八年秋間到任亦已三載有餘該員

於萬城隄官民各工每屆冬春親督籌脩一逢伏秋汎漲駐工防護既寒暑之奔馳不辭勞瘁復捐貲以搶險力挽狂瀾故得歲慶安瀾全郡及下游各屬廬舍菘田均資保衛又該員莅任以來鋤除奸慝整頓地方吏治日有起色而於各屬催科尤復寬猛相濟三年之內督催各屬徵解錢糧綜計六十餘萬兩較往時大有進步絕胥吏之侵欺濟征兵之餽饟實屬實心民事有裨時艱為方面中出色之員可否仰懇 天恩將補用道唐際盛 賞給二品頂戴以示獎勵而策將來此外防護大隄出力人員由 臣等存記分別外獎合併陳明

荊州萬城隄志

卷七

官守 獎敘 三

按此三載安瀾請獎道府之始此次唐太守以補用道員兼有籌餉治賦之勞故請獎以二品頂戴後援此例奏保虛銜不得過鹽運使階也

咸豐八年外獎案○羅方伯詳稱萬城大隄郝穴龍二淵等處為極險之工前經荊州道府親詣勘估籌計已將上下石磯礮岸內外撐幫月隄一律脩築堅實完好足資保衛此項工程經費未克全賴事事經理得人庶工歸實用費無虛糜查據稟稱前委在事各員或專司銀錢帳目慎重收支一毫不苟或分督夫礮石船隨時彈壓片刻靡間半載以來均能竭力盡心不辭

辛苦茲大工告竣百姓咸歡似未便沒其微勞等語自屬實在情形應請准如該道府所稟請將儘先升用同知現任荊州府通判忻承已補德安府同知程伊湄候補同知包誠候補同知湯譽光同知銜丁憂補用知縣鍾溶六品銜現署江陵縣郝穴主簿王廣任六品銜候補縣丞徐焯湖南候補未入流姜運蓮升用府經歷丁憂揀發從九品屠安邦都司銜前署穀城守備高洪陞各予記大功三次註冊以示獎勵

咸豐十一年外獎業○唐太守稟稱卑郡萬城大隄綿亘二百餘里為荆漢潛沔各府州縣田廬保障最關緊要卑府自咸豐

荊州萬城隄志

卷七

官守

獎敘

四

八年十一月到任察看全隄情形亟須認真修理極力防護三年以來仰托慈庇悉慶安瀾在卑府有經理之責竭籌辦之勞如上年荆江異漲為百餘年所未有多方搶護以保無虞雖賠墊幾及萬金當此多事之秋不敢冒昧請項均屬分所應然惟在事出力各員不辭勞瘁不避寒暑晝夜辛勤始終無懈且與卑府逐日接見察其才思皆可為歷今三年三汎安瀾舉相慶幸仰惟大人愛惜人材微勞必錄謹開列清摺呈覽應如何獎勵以示鼓勵之處伏乞恩施無任惶惑

按此次丞倅佐雜印委各員均予記大功三次由司存記

處分

乾隆五十三年奏案○部議大學士阿桂等奏稱臣等將潰決隄工詳悉履勘估土還補並自得勝圻起至沙市之西街頭止通行加高培厚並於楊林洲黑窰廠沙市劉大巷至塘樓橫隄等處築建土石隄壩加築土堰共估計工料價值銀十八萬九千五百三十八兩二錢一分四釐除舒常已認罰銀四萬兩李封陳淮各認罰銀二萬兩李天培沈世燾各認罰銀一萬兩共銀十萬兩外其尚不敷銀兩應請著落歷任總督李侍堯巡撫李綬圖薩布革職藩司永慶丁憂荆宜施道陳大文按股分賠

荊州萬城隄志

卷七

官守 處分 五

等語工部查荊州沿江隄塍雖係民脩工程如果該督撫等平日留心經理飭令該管各官隨時督脩堅固自不至衝決潰口至二十餘處之多且對岸窖金洲漲沙逼溜致下游壅阻從前四十四四十六兩年屢經被水自應及早籌辦以保城社民生乃竟漫不經心以致本年江水漲發衝潰隄工兼及城垣成災甚重該督撫等實難辭咎應如所奏將此次補築土石各工共需工料銀十八萬九千五百三十八兩二錢一分四釐欽遵諭旨著落四十四年以後歷任督撫藩司及該管道府名下照數賠補除舒常李封陳淮李天培沈世燾等已罰銀十萬兩

又同知甘澍知縣孔毓檀王嘉謨雷永清等罰銀二萬一千兩
內應撥歸漂失米穀項下一半外其餘一半銀一萬五百兩應
撥入隄工項下抵款尚不敷銀七萬九千三十八兩二錢一分
四釐應照阿桂等單開總督李侍堯巡撫李綬圖薩布草職藩
司永慶丁憂荆宜施道陳大文按股分賠應令該督各按在任
年月日分別著賠核咨各該員任所旗籍追賠還項報部查核
又奏稱荆州府倉漂失米穀除該府俞大猷當經搶撈及買賠
滿營七月分應支米四千四百餘石外實漂失米七萬二千七
百六十八石五斗五升六合九勺穀六千四百八十三石一斗

荆州萬城隄志

卷七

官守 處分 六

九合二勺照例折銀七萬六千十兩一錢一分二釐江陵縣倉
漂失米四千六百二石一合六勺穀三萬十六石八斗七升五
合照例折銀一萬九千六百十兩四錢三分九釐計府縣兩倉
共應折銀九萬五千六百二十兩五錢五分一釐此項銀兩應
著落該府俞大猷該署縣屈振甲按該倉漂失米穀折銀數目
各賠五成餘令本任督撫藩司及該道員賠補除姜晟認罰銀
兩若干應歸入抵款外其尚不敷銀兩應著落舒常陳淮沈世
燾按段分賠等語戶部查荆州府倉漂失米穀並江陵縣漂失
米穀內除該府俞大猷當經搶撈及買賠滿營七月分應支米

四千四百餘石外其府縣二倉實在漂失米穀共應折銀九萬五千六百二十兩五錢五分一釐應即照阿桂等所奏着落該府俞大猷該署縣屈振甲各按該倉漂失米穀分賠五成折算價銀着追賠補其餘銀兩除同知甘樹知縣孔毓檀王嘉謨雷永清等罰賠銀二萬一千兩內撥歸漂失米穀項下一半銀一萬五百兩並現據姜晟奏明認罰銀三萬兩外所有不敷銀兩即行核明舒常陳淮沈世燾應分賠各款着追買補以實倉儲再按原奏折銀數目每米一石着賠銀一兩每穀一石着賠銀五錢係照向例折算是不足數買補價脚之需及府縣二倉搶

荊州萬城隍志

卷七

官守

處分

七

撈米石實在共計若干應令該督一併報部查核又奏稱荆宜施道沈世燾本係兼管水利該處隄塍平日既漫不經心又縣監人犯私鬆刑具一案失於覺察未便因其已經自行認罰並以罰令分賠漂失米穀稍為寬貸荊州府知府俞大猷於該管倉米雖已罰令分賠五成但該處隄工係由該府勘驗結報並未認真辦理於該縣監獄重務又不留心查察沈世燾俞大猷俱應請 旨一併革職仍着同已經叅革之署江陵縣知縣屈振甲俱自備資斧留工効力以為玩悞地方者戒至歷任荊州府同知徐錫純一員已經身故列入另單外陞任河南開歸

道陳文緯雖在任止二十八日於四十四年二月即經卸事田尹衡甘樹已經先後丁憂離任但該員等皆係專管水利且現決隄工甘樹在同知任時曾經歲修俱未便因其已經離任置之不議應交部查明分別議處甘樹仍着賠銀六千兩又歷任江陵縣知縣內湯廷芳亢依祿二員業經另案革職治罪且離任已久現決隄塍並未承辦應請免置議其孔毓檀王家謨雷永清三員現決隄工係其查驗臣等於到荊州後確訪詳查雖此項隄工每逢補脩時並不通隄脩理俱係業民自估土方將隄身矮薄殘缺及水溝浪窩處所出夫脩補並不派歛銀兩計

荊州萬城隄志

卷七

官守 處分 八

每次所估土方亦不過自五六百方至五六千方不等該員等尚無尅扣侵漁情弊但例應該縣查驗並不認真辦理以致草率從事隄工不固實屬廢弛貽悞除孔毓檀王家謨業經另案革職離任外現任知縣雷永清亦應請革職仍各罰銀五千兩同丁憂同知甘樹應賠銀兩一併歸入應脩隄塍各工及漂失倉米案內分抵款項雷永清仍着自備資斧留工効力等語查丁憂同知甘樹革職知縣孔毓檀王家謨現任知縣雷永清等共罰賠銀二萬一千兩已於前次脩築隄工及漂失米穀款內各半分抵銀一萬五百兩吏部查原任荊州府知府俞大猷先

於江陵縣監禁人犯私鬆刑具案內照例議以革職欽奉諭旨著留工所効力贖罪歷任江陵縣知縣湯廷芳亢依祿已另案革職治罪孔毓檀王嘉謨已另案革職離任均無庸再議前因江陵縣監私鬆刑具案內議以降調之荆宜施道沈世燾及現任江陵縣知縣雷永清均應照大學士公阿桂等所奏一併革職同已經叅革之署江陵縣知縣屈振甲俱自備資斧留工効力至前任荊州府同知陳文緯田尹衡甘樹均係專管水利之員於該處隄塍未能留心查驗甘澍又曾辦歲脩並不妥為脩築致有潰決應行分別議處應將前任荊州府同知陳文

荊州高城隄志

卷七

官守處分九

緯田尹衡均照不實心查察降二級調用例降二級調用前任荊州府同知甘樹照隄岸脩築不堅該管官降三級調用例降三級調用均無庸查級議抵陳文緯已陞河南開歸陳許道應於現任內降二級調用甘樹已經丁憂應於補官日降三級調用田尹衡已丁憂服滿揀發福建借補泉州府通判又經革職其降調之處應行註冊所有甘樹著賠銀六千兩孔毓檀王嘉謨雷永清各罰銀五千兩應令該督查明各該員任所旗籍分咨著追完報又奏稱歷任縣丞除衛法祖一員於四十四年勒休久經離任並未承辦隄工應免置議外其王廷樑馬錫黎士

烜三員俱係督脩之人現決隄塍即在該縣丞等本汛王廷樑馬錫俱應革職同已經革職之黎士烜一併交部問擬杖徒以示懲儆等語刑部查律載不先事脩築圩岸及脩而失時者笞三十因而淹沒禾苗者笞五十及盜決民間圩岸陂塘致水勢漲漫毀害人家及漂失財物淹沒田禾者坐贓論罪止杖一百徒三年各等語此案王廷樑馬錫黎士烜俱係督脩之員現決隄塍雖因江水漲發並非有心盜決但究由該員等於脩隄工並不認真辦理以致工程不固被水衝潰若僅照不先事脩築圩岸及脩而失時律擬笞不足示懲應將江陵縣縣丞王廷樑

荊州萬城隄志

卷七

官守 處分 十

荊州府司獄馬錫均照大學士阿桂等所奏一併革職同已經革職之黎士烜均比照盜決圩岸陂塘杖一百徒三年律各杖一百徒三年不准納贖定地發配至配所折責管束至此外已經身故及緣事查抄之歷任督撫藩司及該管道道府等員應如何分別議罪之處臣等未敢擅便應照阿桂等單開另繕清單

恭呈

御覽伏候

欽定

乾隆五十四年援引城工奏案○工部議覆山西布政使朱珪條奏城工案內行令保固限內之工如有整段倒塌者着落原脩官賠脩其每間有些小損缺數在百金內外現任官一經查

出即自行脩繕完整若現任官不隨時脩理以致需費浩繁者則原辦與現任官均難辭咎應令原辦官賠十分之六現任官賠十分之四等因遵照在案雖隄工與城工事例不同而防護脩補應無二致惟有飭令專管城隄工之道府同知於現在汎水漲發之時週歷查勘各工段如有水溝浪窩需費無多隨時自應脩繕完整歸入歲修業內造報攤徵歸款倘水利各員漫不經理致於坍塌即將該管道府同知與承脩官一併嚴叅著賠

道光十二年奏案○

盧制軍
訥中丞

等陳奏請將此次估辦新工並從

荊州萬城隄志

卷七

官守

處分

十一

前興脩各隄未滿固限工程遇有衝潰除保固限內未離任者仍照例查明叅賠外如已離任則將承脩接防之員一併叅處並將補築夫工銀兩按三七分賠承脩者追賠七分接防者着追賠三分奉准通行

道光二十二年奏案○裕制軍奏稱此次潰隄雖非意料所及但該府程伊湄責重脩防乃未能先事搶堵以致漫潰成口實屬咎無可辭惟現在添築橫隄已由該府捐辦稍知愧奮其大隄估需銀二萬八千三百餘兩亦應責令賠脩相應請

旨

將荊州府知府程伊湄革職暫行留任勒限兩月內將上漁埠

頭潰口挽月工程趕緊堵築完固兼可以工代賑接濟灾黎如敢逾違即從嚴叅辦以示懲儆

道光二十四年奏案○部議此案湖北荊州府李家埠漫潰刷寬至一百五十餘丈之多荆宜施道李廷榮雖不承辦隄工惟係奏委督防之員查該省奏定章程內稱專防委員照黃運河隄失事之例叅處該督既經奏委該道督防自應遵照章程奏請交部核議今並未聲明應得處分謹請摘去頂帶與例未符應請將湖北荆宜施道李廷榮照黃運河隄岸漫缺河流不移道員降四級督賠例降四級督賠至請未照例叅處僅請摘去

荊州萬城隄志

卷七

官守 處分 十二

頂帶之湖廣總督裕泰會銜之湖北巡撫趙炳言應請 旨

交臣部照例議處等因具奏道光二十四年八月二十六日奉

旨依議欽此此案湖廣總督裕泰等於荊州府李家埠漫潰刷寬至一百五十餘丈之多荆宜施道李廷榮雖不承辦隄工惟係奏委督防之員該督等並未聲明應得處分照例叅處僅將摘去頂帶經臣部奏奉 諭旨將該督等交臣部照例

議處應將湖廣總督裕泰照違令公罪律罰俸九個月會銜之湖北巡撫趙炳言於裕泰罰俸九個月例上減為罰俸六個月查裕泰任內有紀錄一次應銷去紀錄一次抵罰俸六個月仍

罰俸三個月趙炳言任內並無紀錄抵銷恭候 命下道光
二十四年十月十七日題本月十九日奉 旨裕泰著銷去
紀錄一次仍罰俸三個月趙炳言著罰俸六個月欽此

荊州萬城隍志

卷七

官守

處分

十三